


百名家 七



西漢
王諫議

庫	文	閣	內
三四函		三七七	漢
六架	九九冊	七號	書
		類	

庫	文	閣	內
三六函		三七七	漢
二架	九九冊	七號	書
		類	

內閣文庫	
番號	漢 3717
冊數	99(7)
函號	361 51

共百九冊



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



王
箱
繪
巻

王諫議集

王諫議集題詞

淺草文庫


漢書嚴助朱買臣吾丘壽王王父偃

徐樂嚴安終軍王褒賈捐之九人同

傳令終者鮮惟子雲棄孺子淵作頌

名高齊蜀而天病隨之卽身非鼎烹

能無惑辨命乎聖王賢臣文辭采密



其排彭祖厭喬松歸之文王多士以
祝壽考意主規諷猶長卿之子虛上
林遊戲苑囿有戒心焉乃蜻蛉神見
持節南崖金馬碧雞光景未來使者
先殞彼所刺者神僊而不能抗辭于
御命烏得云善諫哉甘泉洞簫後宮

誦讀僮約諧放頗近東方元帝爲太
子時忽忽不樂惟子淵竒文足起體
疾以此賢於博奕信矣九懷之作追
愍屈原古今才士其致一也執握金
玉委之污瀆他人有心誰能不怨大
氏王生俊才歌詩尤善奏御天子不

外中和諸體然辭長于理聲偶漸階
固西京之一變也

婁東張溥題

王諫議集目錄

賦

洞簫賦

騷

九懷

匡機

通路

危俊

昭世

尊嘉

蓄英

思忠

陶壅

株昭

論

四子讓德論

頌

聖主得賢臣頌

甘泉宮頌

移文

移金馬碧雞文

約

僮約

文

責髯奴文

附錄

本傳

王諫議集目錄終

王諫議集卷全

漢蜀郡王褒著

明太倉張溥閱

賦

○洞簫賦

原夫簫幹之所生兮，于江南之丘墟。洞條暢而罕節兮，標敷紛以扶疎。徒觀其旁山側兮，則嶮嶽歸崎，倚巖迤嶓。誠可悲乎其不安也，彌望儻莽，聯延曠盪，又足樂乎其敞閑也。託身軀於后

土兮經萬載而不遷，吸至精之滋熙兮，稟蒼色之潤堅。感陰陽之變化兮，附性命乎皇天。翔風蕭蕭而逕其末兮，迴江流川而漑其山。揚素波而揮連珠兮，聲磴磴而澍淵。朝露清泠而隕其側兮，玉液浸潤而承其根。孤雌寡鶴，娛優乎其下兮。春禽羣嬉，翱翔乎其顛。秋蜩不食，抱樸而長吟兮。玄猿悲嘯，搜索乎其間。處幽隱而與屏兮，密漠泊以徼祿。惟詳察其素體兮，宜清靜而弗諠。幸得謚爲洞簫兮，蒙聖王之渥恩。可謂惠

而不費兮，因天性之自然。於是班匠施巧，夔襄准法，帶以象牙，搃其會合。鏤鏤離灑，絳唇錯雜。鄰菌繚糾，羅鱗捷獵。膠緻理比，挹拊掀擗。於是乃使夫性昧之宕冥，生不覩天地之體勢。闇於黑白之貌，形憤伊鬱，而酷醜愍。眩眸子之喪精，寡所舒其思慮兮，專發憤乎音聲。故吻吮值夫宮商兮，和紛離其匹。溢形旖旎，以順吹兮。瞋啣嘲以紆鬱，氣旁迂以飛射兮。馳渙散以遼律，趣從容其勿述兮。驚合選以詭譎，或混沌而潺湲兮。

獵若枚折。或漫衍而絡驛兮。沛焉競溢。憚慄密率。掩以絕滅。嚆霰擘躡。跳然復出。若乃徐聽其曲度兮。廉察其賦歌。啾眇嚼而將吟兮。行鋸鉗以和囉。風鴻洞而不絕兮。優嫖嫖以婆娑。翩緜連以牢落兮。漂乍棄而爲他。要復遮其蹊徑兮。與謳謠乎相蘇。故聽其巨音。則周流汜濫。并包吐含。若慈父之畜子也。其妙聲則清靜厭慮。順叙卑達。若孝子之事父也。科條譬類。誠應義理。澎湃慷慨。一何壯士。優柔溫潤。又似君子。故其

武聲則若雷霆較輶。伏豫以沸涓。其仁聲則若颯風紛披。容與而施惠。或雜遝以聚歛兮。或振撥以奮棄。悲愴怳以惻憾兮。時恬淡以綏肆。被淋灑其靡靡兮。時橫潰以陽遂。哀悁悁之可懷兮。良醴醴而有味。故貪饗者聽之而廉隅兮。狼戾者聞之而不對。剛毅強尅。反仁恩兮。暉颯逸豫。戒其失。鍾期牙曠。悵然而愕立兮。杞梁之妻。不能爲其氣。師襄嚴春。不敢竄其巧兮。浸淫叔子。遠其類。崑頑朱均。惕復慧兮。桀跖鬻博。儻以

頓頓。吹參差而入道德兮。故永御而可貴。時奏
狡弄。則彷徨翱翔。或留而不行。或行而不留。悼
惓瀾漫。亡耦失疇。薄索合杳。罔象相求。故知音
者樂而悲之。不知音者怪而偉之。故爲悲聲。則
莫不愴然累歛。擎涕收淚。其奏歡娛。則莫不憚
漫衍凱。阿那腰膝者已。是以蟋蟀。蜉蝣。跂行。喘
息。螻蟻。蠅蚋。蠅蠅。翊翊。遷徙。迤。魚瞰雞睨。垂
喙。蟹轉。瞪曹忘食。况感陰陽之和。而化風俗之
倫哉。

亂曰。狀若捷武。超騰踰曳。迅漂巧兮。又似流波。
泡洩汎漉。趨巖道兮。哮呷。咤喚。躋躓連絕。漏殄
沌兮。攬搜濔捐。逍遙踊躍。若壞頽兮。優游流離。
躊躇稽詣。亦足耽兮。頽唐遂往。長辭遠逝。漂不
還兮。賴蒙聖化。從容中道。樂不淫兮。條暢洞達。
中節操兮。終詩卒曲。尚餘音兮。吟氣遺響。聯縣
漂撇。生微風兮。連延絡驛。變無窮兮。

Blank page with vertical lines for text.

騷

九懷 王逸註

匡機

極運兮不中

周轉求君道不合也

來將屈兮困窮

還就農桑修播

植也余深愍兮慘怛

我內憤傷心剝切也

願一列兮無從

陳欲

忠謨道乘日月兮上征

想託神明陞天庭也

顧遊心兮鄙

鄙

鄴都與鎬同鄴一作豐

回盼周京念先聖也文

其都冀彌覽兮九隅

戲

遭遇也道室誦五經

歷觀九州

芷間兮葯房

居仁履義

也一作彷徨

求英俊也

奮搖兮衆

戲

王康義集

卷全

騷

五

芳動作應禮

茵閣兮蕙樓

節度彌高

觀道兮從

橫衆人瞻望

寶金兮委積

志意堅固

美玉兮盈

堂滿譽光明

桂水兮潺湲

周芳流衍溢

揚流兮洋

洋潔白之化

著蔡兮踊躍

著龜喜樂慕清高也

論

語曰臧文仲居蔡也

孔鶴兮回翔

畏怖羅網陞青

撫檻兮

遠望登樓伏櫺

念君兮不忘

思慕懷王

悌鬱兮

莫陳忠言蘊積

永懷兮內傷

長思切切

通路

天門兮墜戶

金闕玉闕

孰由兮賢者

誰當涉履

無正兮溷廁

邪佞邪亂

懷德兮何覩

忠信之士

假寐兮愍斯

衣冠而寢

痛鳳兮遠逝

仁者之士

可與兮寤語

衆人愚闇

痛鳳兮遠逝

道世去也

畜鵠兮近處

誰與謀也

鯨鱣兮幽潛

鱣切

大賢隱匿

從蝦兮遊階

小人並進在朝廷也

鯨鱣兮幽潛

乘虬兮登陽

意欲駕龍

載象兮上行

遂騎神獸

神象白身赤頭

朝發兮葱嶺

旦發西極

夕至兮

有翼能飛也

北飲兮飛泉

吮嗽天液

南采兮

明光暮宿東極

芝英咀嚼靈草

宣遊兮列宿

視衆星也

彷徨

周繞北辰觀天庭也

紅采兮駢衣

五采婆娑芬華英也

翠縹兮

為裳

衣色瓌瑋耀青葱也

舒佩兮緜纒

緜音申纒音離緩帶徐步五玉鳴也

竦余劔兮干將

握我寶劔立延頸也

騰蛇兮後從

從慕仁神虺侍

賢飛駟兮步旁

駟馳奮飛承轂輪也

微觀兮玄圃

圃上睨帝

也園覽察兮瑤光

觀視斗杓與玉衡也

啓匱兮探筴

筴與策同發匣

引籌考悲命兮相當

不獲富貴值流放也

紉蕙兮永詞

結草

為誓長將離兮所思

背去九族遠懷王也

浮雲兮容與

天氣

滄溟乍道余兮何之

道一作導來也導我難處從也

遠望兮仟

眠遙視楚國

聞雷兮闐闐

君好妄怒威武盛也

陰憂兮感

余內愁鬱伊害我性也

惆悵兮自怜

悵然失志嗟厥命也怜一作憐

危俊

林不容兮鳴螭

國不養民賢宜退也

余何留兮中州

我去諸夏

將遠陶嘉月兮總駕

嘉及吉時驅乘駟也

舉玉英兮自修

自修瓊華自修飾也

結榮萑兮透逝

束草陳信遂奔邁也

將去烝兮

遠遊違離於君之四裔也

徑岱土兮魏闕

行出北荒山高桀也

歷九

曲兮牽牛

過觀列宿九天際也

聊假日兮相侻

且徐遊戲須年歲也

遺光耀兮周流

敷揚榮華垂顯烈也

望太一兮淹息

貴將

滯也

紆余轡兮自休

緩我馬勒留寢寐也

晞白日兮皎皎

天精光明而照察也彌遠路兮悠悠周望八極顧列宇兮

縹縹李皮六切邪視觀幽雲兮陳浮山氣滃鬱

鉅寶遷兮砢礪砢孚允切礪音隱太雉咸雉兮

相求飛鳥驚鳴決莽莽兮究志周望率土懼吾

心兮憐憐憐音紬惟我憂步余馬兮飛柱徘徊

且休覽可與兮匹儔歷觀群英卒莫有兮織芥

無忠直也佞永余思兮怵怵怵音抽愁心長

昭世

世溷兮冥昏時君闇蔽臣貪佞違君兮歸真將

懷王就仁賢也一云臣違君兮乘龍兮偃蹇駢駕神獸高回翔

兮上臻行戲遨遊襲英衣兮緹縹縹音緹重我

也披華裳兮芳芬徐曳文衣動馨香登羊角兮

扶輿陟彼高山浮雲漠兮自娛乘雲歌吟握神

精兮雍容握持神明與神人兮相胥留侍松喬

流星墜兮成雨陰精竝降進隣盼兮上丘墟隣音

鄰盼音汾天且覽舊邦兮滃鬱下見楚國余安

能兮久居將背舊鄉志懷逝兮心慟慄慟音留

去內傷悲也紆余轡兮躊躇緩我馬勒聞素女兮微

王康義集 卷八 八

歌神仙謳吟聽王后兮吹竽伏妃作樂魂悽愴

兮感哀精神惆悵腸回回兮盤紆意中毒悶撫

余佩兮繽紛相持我玉帶高太息兮自憐長歎傷

也棄使祝融兮先行開軌轍也令昭明兮開門神

前驅關也馳六蛟兮上征乘龍直驅竦余駕兮入

冥遂馳我車歷九州兮索合周遍天下誰可與

兮終生莫足與友忽反顧兮西囿見彼隴蜀覩

軫丘兮崎傾難涉嶽岑橫垂涕兮泫流悲思念

也下悲余后兮失靈哀昔我君

尊嘉

季春兮陽陽三月温和列草兮成行吐榮華也

余悲兮蘭生哀彼香草委積兮從橫橫音黃枝

也根莖江離兮遺損忠正之士辛夷兮擠臧里切

仁智之士也伊思兮徃古惟念前世亦多兮遭殃

抑沈沒也也伍胥兮浮江吳生棄之屈子兮沈湘

禍及身也也運余兮念茲轉思念此心內兮懷傷

懷沙負石也望淮兮沛沛臨水恐慄濱流

腸中側痛也兮則逝意欲隨水榜舫兮下流乘舟順水東注

今磻磻濤波踴躍蛟龍今導引虬螭水禽馳在

沃今文魚今上瀨巨鱗扶已抽蒲今陳坐拔草為

單也援芙蕖今為蓋引取荷華以覆身也一云水

躍今余旌風波動我繼以今微蔡續以草芥雲

旗今電駑遂乘風電儵忽今容裔往來亟疾河

伯今開門水君埃望迎余今歡欣喜笑迎已顧

念今舊都還視楚國懷恨今艱難常欲還也竊

哀今浮萍生自水瀕也汎淫今無根乍隨東西游也

蓄英

秋風今蕭蕭陰氣用事舒芳今振條動搖百草

微霜今眇眇霜凝微薄病歿今鳴蜩飛蟬卷齒

玄鳥今辭歸燕將入海飛翔今靈丘悲鳴神也

望谿今滃鬱川谷吐氣熊羆今咆哮將害賊也

唐虞今不存堯舜已過何故今久留宜更求君

臨淵今汪洋瞻望大川顧林今忽荒回視喬木

修余今袿衣整我衿裳騎霓今南上託乘赤霄

乘雲今回回載氣溶溶疊疊今自強遂自力也

將息今蘭皋且欲中休失志今悠悠從高視下

紛蘊兮徽薰

紛音紛蘊音云徽音梅薰音黎愁思蓄積面垢黑也

思君兮

無聊

聊音留想念念懷王忘寢食也

身去兮意存

體遠情近在胃臆也

恨兮懷愁

心中憂恨內懷惻也

思忠

登九靈兮遊神

想登九天放精神也神一作精

靜女歌兮微晨

神女夜吟

悲皇丘兮積葛衆體錯兮交紛

聲激清也 大之丘葛草緣之而生交錯茂盛人不異而取則不成絺絺也以言楚國士民衆多君不異

而舉用則不貞枝抑兮枯槁

慶雲喻尊顯也言葛有正直之枝抑棄枯槁而不見采任壤惡者滿車陞進反見珍重御尊顯

也 也以言貞正之人棄於山感余志兮慄慄

野佞曲之臣陞於顯朝也 如折心愴愴兮自憐

也 今北征將乘山神而奔走也

連五宿兮建旄

係續列星爲旗旄也 揚氛氣兮爲旌

舉 歷廣漠兮馳騫

馳騫馬也 覽中國兮冥

旗表也 冥顧視諸夏

尚昧晦也 玄武步兮水母

天龜水神侍送余也 與吾期

今南榮

與已爲誓會炎野也南方 登華蓋兮乘

-5 205 35 885" data-label="Text">

冬温草木常茂故曰南榮 陽上攀北斗躡房

-45 205 75 885" data-label="Text">

星也乘一作藥 聊逍遙兮播光

-85 205 115 885" data-label="Text">

且徐遊戲 抽

-125 205 155 885" data-label="Text">

庫婁兮酌醴

-165 205 195 885" data-label="Text">

引持二星以斟酒也 援臆瓜兮接糧

-205 205 235 885" data-label="Text">

臆音祀啖食神

果志厭飽也畢休息兮遠逝周徧留止而復去也發玉軻兮西

行遂引支車木惟時俗兮疾正弗可久兮此方世

忠信愛諂也寤辟標兮永思心常長愁拊心踊心怫

鬱兮內傷憂思積結肝腑爛也

陶壅

覽杳杳兮世惟觀楚泥濁俗愚蔽也余惆悵兮何歸罔然

無依附也傷時俗兮溷亂哀愍當世衆貪暴也將奮翼兮高飛

絕塵振翅翺翺駕八龍兮連蜷乘此翺翺建虹旌兮

威夷紛樹蟬旗觀中宇兮浩浩大哉天下紛翼

翼兮上躋盛氣振迅浮溺水兮舒光揚精華也

淹低徊兮京沚沚讀平聲且留水側息河洲也

為沚京沚者卽高洲也屯余車兮索友住我之駕覩皇公

兮問師遂見天帝道莫遷兮歸真執守無為羨

余術兮可夷念已道藝可悅樂也詩云既吾乃

逝兮南娛遊九野也道幽路兮九疑疑通作疑

過舜越炎火兮萬里積熱彌天過萬首兮嶼嶼

見海中數萬頭也嶼嶼嶼嶼一作旌旌濟江海兮蟬

蛻遂渡大水絕北梁兮永辭長訣去也浮雲鬱

今晝昏楚國潰亂氣未除也霧土忽兮塵塵風俗塵濁不

糜息陽城兮廣夏遂止炎野衰色罔兮中怠徒

來切志欲懈意曉陽兮燎寤心中燎明乃息軫

今存茲徐自省視思堯舜兮襲興喜慕二聖幸

咎繇兮獲謀叶謨悲切冀遇悲九州兮靡君傷

天下無聖主也撫軾歎兮作詩伏車浩歎作風雅也

株昭

悲哉于嗟兮愁思憤滿心內切嗟意中激感欵

冬而生兮物叩盛陰凋彼葉柯傷害根莖瓦礫

進寶兮侍惟幄也捐棄隋和貞良君子鈔刀厲

御兮任政職也頓棄太阿明智忠賢驥垂兩耳

今雄俊佯愚中坂蹉跎衆無知己蹇驢服駕兮

鴛鈍之徒無用日多僮蒙並進修潔處幽兮履

清白居貴寵沙劇權右大夫伴不鳳皇不翔兮

賢智隱處鶉鷄飛揚小人得志乘虹驂蜺兮託

深藏匿也載雲變化陞高去俗鷦鵬開路兮仁士

遠征也後屬青蛇介蟲之長步驟桂林兮智鳥

前也超驤卷阿騰越曲阜丘陵翺儷兮山丘踴躍

谿谷悲歌川瀆作樂進五音也神章靈篇兮河圖洛書

曲相和宮商竝會應琴瑟也余私娛茲兮我誠樂此孰哉

復加莫如今也還顧世俗兮回視楚國壤敗罔

羅廢棄仁義卷佩將逝兮祛衣束帶涕流滂施

思君念國泣霑衿也亂曰皇門開兮王門啓闢路四通照下土鏡覽

見萬方也株穢除兮邪惡已消蘭芷覩俊又英雄四

佞放兮驩共苗鯨後得禹乃獲文命聖舜攝兮

重華秉政執紀綱也昭堯緒著明唐業孰能若兮誰能知

也虞願為輔思竭忠信備股肱也

論

四子講德論

微斯文學問於虛儀夫子曰蓋聞國有道貧且賤焉耻也今夫子閉門距躍專精趨學有日矣幸遭聖王平世而久懷寶是伯牙去鍾期而舜禹遁帝堯也於是欲顯名號建功業不亦難乎夫子曰然有是言也夫蚊蠱終日經營不能越階序附驥尾則涉千里攀鴻翮則翔四海僕雖嚚頑願從足下雖然何由而自達哉文學曰陳

懇誠於本朝之上行。話談於公卿之門。夫子曰：無介紹之道，安從行乎？公卿文學曰：何爲其然也？昔甯戚商歌以干齊桓，越石負芻而寤晏嬰，非有積素繫舊之歡，皆塗觀卒遇，而以爲親者也。故毛嬙西施，善毀者不能蔽其好；嫫姆倭傀，善譽者不能掩其醜。苟有至道，何必介紹？夫子曰：咨夫！特達而相知者，千載之一遇也。招賢而處友者，衆士之常路也。是以空柯無刃，公輸不能以斲；但懸曼矰，蒲苴不能以射。故膺騰撇波，

而濟水不如乘舟之逸也。衝蒙涉田而能致遠，未若遵塗之疾也。才蔽於無人行，衰於寡黨。此古今之患。唯文學慮之。文學曰：唯唯，敬聞命矣。於是相與結侶，攜手俱游，求賢索友，歷於西州，有二人焉。乘輅而歌，倚輓而聽之。詠歎中雅，轉運中律。嘽緩舒繹，曲折不失節。問歌者爲誰，則所謂浮游先生陳丘子者也。於是，以士相見之禮友焉。禮文旣集，文學夫子降席而稱曰：俚人不識，寡見，尠聞。曩從末路，望聽玉音，竊動心焉。

敢問所歌何詩請聞其說浮游先生陳丘子曰所謂中和樂職宣布之詩益州刺史之所作也刺史見太上聖明股肱竭力德澤洪茂黎庶和睦天人竝應屢降瑞福故作三篇之詩以歌詠之也文學曰君子動作有應從容得度南容三復白圭孔子睹其慎戒太子擊誦晨風文侯論其指意今吾子何樂此詩而詠之也先生曰夫樂者感人心深而風移俗易吾所以詠歌之者美其君術明而臣道得也君者中心臣者外體

外體作然後知心之好惡臣下動然後知心之節趨好惡不形則是非不分節趨不立則功名不宜故美玉蘊於砥砭凡人視之快焉良工砥之然後知其和寶也精鍊藏於鑛璞庸人視之忽焉巧冶鑄之然後知其幹也况乎聖德巍巍蕩蕩黎氓所不能命哉是以刺史推而詠之揚君美德深乎洋洋罔不覆載紛紜天地寂寥宇宙明君之惠顯忠臣之節究皇唐之世何以加茲是以每歌之不知老之將至也文學曰書云

廸一人使四方若卜筮夫忠賢之臣導主志承君惠攄盛德而化洪天下安瀾比屋可封何必歌誅詩賦可以揚君哉愚竊惑焉浮游先生色勃皆溢曰是何言與昔周公誅文王之德而作清廟建爲頌首吉甫歎宣王穆如清風列于大雅夫世衰道微僞臣虛稱者殆也世平道明臣子不宣者鄙也鄙殆之繫傷乎王道故自刺史之來也宣布詔書勞來不怠令百姓徧曉聖德莫不霑濡厖耆耆之老咸愛惜朝夕願濟頌

史觀大化之淳流於是皇澤豐沛主恩滿溢百姓歡欣中和感發是以作歌而詠之也傳曰詩人感而後思思而後積積而後蒲蒲而後作言之不足故嗟歎之嗟歎之不足故誅歌之誅歌之不足不知手之舞之足之蹈之也此臣子於君父之常義古今一也今子執分寸而罔億度處把握而却寥廓乃欲圖大人之樞機道方伯之失得不亦遠乎陳丘子見先生言切恐三客慙膝步而前曰先生詳之行潦暴集江海不以

爲多，鱗鱗竝逃，九戩不以爲虛，是以許由匿堯而深隱，唐氏不以衰夷齊恥周而遠餓，文武不以卑，夫青蠅不能穢垂棘，邪論不能惑孔墨，今刺史質敏以流惠，舒化以揚名，采詩以顯至德，歌詠以董其文，受命如絲，明之如緝，其棠之風可倚而俟也。二客雖宰計沮議，何傷顧謂文學。夫子曰：先生微矜於談道，又不讓乎當仁，亦未巨過也。願二子措意焉。夫子曰：否，夫雷霆必發而潛底震動，枹鼓鏗鏘而介士奮竦，故物不震

不發，士不激，不勇，今文學之言，欲以議愚感敵，舒先生之憤，願二生亦勿疑也。於是文繹復集，乃始講德。文學夫子曰：昔成康之世，君之德歟，臣之力也。先生曰：非有聖智之君，惡有其棠之臣，故虎嘯而風寥戾，龍起而致雲氣，蟋蟀俟秋吟，蜉蝣出以陰，易曰：飛龍在天，利見大人，鳴聲相應，仇偶相從，人由意合，物以類同，是以聖主不徧窺望而視以明，不殫傾耳而聽以聰，何則，淑人君子，人就者衆也，故千金之裘，非一狐之

腋大厦之材，非一丘之木。太平之功，非一人之畧。蓋君爲元首，臣爲股肱，明其一體，相待而成。有君而無臣，春秋刺焉。三代以上，皆有師傅，五伯以下，各自取友。齊桓有管鮑隰寧，九合諸侯。一匡天下，晉文有舅犯趙衰，取威定霸，以尊天子。秦穆有王由五羖，攘却西戎，始開帝緒。楚莊有孫叔子反，兼定江淮，威震諸夏，句踐有種蠡。泄庸尅滅彊吳，雪會稽之耻。魏文有段干田翟。秦人寢兵，折衝萬里。燕昭有郭隗，樂毅夷破彊。

齊困閔於莒，夫以諸侯之細，功名猶尚若此。而况帝王選於四海，羽翼百姓哉。故有賢聖之君，必有明智之臣，欲以積德，則天下不足平也。欲以立威，則百蠻不足攘也。今聖主冠道德，履純仁，被六藝，佩禮文，屢下明詔，舉賢良，求術士，招異倫，拔駿茂，是以海內歡慕，莫不風馳雨集，襲雜竝至，填庭溢闕，含淳詠德之聲盈耳，登降揖讓之禮極目。進者樂其條暢，怠者欲罷不能，偃息乎詩書之門，游觀乎道德之域，咸潔身修德。

吐情素而披心腹，各悉精銳，以貢忠誠，允願推
主上，弘風俗，而騁太平，濟濟乎多士，文王所以
寧也。若乃美政所施，洪恩所潤，不可究陳，舉孝
以篤行，崇能以招賢，去煩蠲苛，以綏百姓，祿勤
增俸，以厲貞廉，減膳食，卑宮觀，省田官，損諸苑，
疎繇役，振乏困，恤民災害，不遑游宴，閔耄老之
逢辜，憐縲絰之服事，惻隱身死之腐人，悽愴子
弟之縲，匿恩及飛鳥，惠加走獸，胎卵得以成育，
草木遂其零茂，愷悌君子，民之父母，豈不然哉。

先生獨不聞秦之時耶，違三王，背五帝，滅詩書，
壞禮義，信任群小，憎惡仁智，詐僞者進達，佞諂
者容入，宰相刻峭，大理峻法，處位而任政者，皆
短於仁義，長於酷虐，狼犖虎攫，懷殘秉賊，其所
臨蒞，莫不肌慄懼伏，吹毛求疵，竝施螫毒，百姓
恆忪，無所措其手足，嗷嗷愁怨，遂亡秦族，是以
養雞者不畜狸，牧獸者不育豺，樹木者憂其蠹，
保民者除其賊，故大漢之爲政也，崇簡易，尚寬
柔，進淳仁，舉賢才，上下無怨，民用和睦，今海內

樂業朝廷淑清天符既章人瑞又明品物咸亨
山川降靈神光耀暉洪洞朗天鳳皇來儀翼翼
邕邕郡鳥竝從舞德垂容神雀仍集麒麟自至
甘露滋液嘉禾櫛比大化隆洽男女條暢家給
年豐咸則三壤豈不盛哉昔文王應九尾狐東
夷歸周武王獲白魚而諸侯同辭周公受秬鬯
而鬼方臣宣王得白狼而夷狄賓夫各自正而
事自定也今南郡獲白虎示偃武興文之應也
獲之者張武武張而猛服也是以北狄賓洽邊

不恤寇甲士寢而旌旗仆也文學夫子曰天符
既聞命矣敢問人瑞先生曰夫匈奴者百蠻之
最彊者也天性驕蹇習俗桀暴賤老貴壯氣力
相高業在攻伐事在獵射兒能騎羊走箭飛鏃
逐水隨畜都無常處鳥集獸散往來馳騫周流
曠野以濟嗜欲其耒耜則弓矢鞍馬播種則扞
弦掌拊收秋則奔狐馳兔穫刈則顛倒殪仆追
之則奔遁釋之則爲寇是以三王不能懷五伯
不能綏驚邊杞士屢犯芻蕘詩人所歌自古患

之。今聖德隆盛，威靈外覆，日逐舉國而歸德，單于稱臣而朝賀，乾坤之所開，陰陽之所接，編結沮顏，焦齒梟矚，剪髮黥首，文身裸袒之國，靡不奔走貢獻，懽忻來附，婆娑嘔吟，鼓腋而笑，夫鴻均之世，何物不樂，飛鳥翕翼，淵魚奮躍，是以刺史感懣，舒音而詠，至德鄙人黥淺，不能究識，敬遵所聞，未克殫焉，於是二客醉于仁義，飽于盛德，終日仰歎，怡懌而悅服。

頌

聖主得賢臣頌

夫荷旃被毳者，難與道純，繇之麗密，羹藜啜糗者，不足與論太牢之滋味，今臣辟在西蜀，生於窮巷之中，長於蓬茨之下，無有遊觀廣覽之知，顧有至愚極陋之累，不足以塞厚望，應明旨，雖然，敢不畧陳愚而抒情素，記曰：共惟春秋法，五始之要在乎審已，正統而已。夫賢者國家之器，用也。所任賢，則趨舍省而功施普，器用利，則用

力少而就效衆，故工人之用鈍器也。勞筋苦骨，終日矻矻，及至巧冶鑄干將之樸，清水焯其鋒，越砥歛其鏘，水斷蛟龍，陸剗犀革，忽若筆汜畫，塗如此則使離婁督繩，公輸削墨，雖崇臺五層，延袤百丈，而不溷者，工用相得也。庸人之御駑馬，亦傷吻敝策而不進於行，曾喘膚汗，人極馬倦，及至駕齧鄰，驟乘旦，王良執靶，韓哀附輿，縱馳騁驚，忽如景靡，過都越國，蹶如歷塊，追奔電逐，遺風周流八極，萬里一息，何其遼哉！人馬相

得也。故服絺綌之涼者，不苦盛暑之鬱燠；襲貂狐之煖者，不憂至寒之悽愴。何則？有其具者，易其備。賢人君子，亦聖王之所以易海內也。是以嘔喻受之，開寬裕之路，以延天下英俊也。夫竭知附賢者，必建仁策；索人求士者，必樹伯迹。昔周公躬吐捉之勞，故有囿空之隆；齊桓設庭燎之禮，故有匡合之功。由此觀之，君人者，勤於求賢，而逸於得人。人臣亦然。昔賢者之未遭遇也，圖事揆策，則君不用其謀；陳見悃誠，則上不然。

其信。進仕不得施效。斥逐又非其愆。是故伊尹勤於鼎俎。太公困於鼓刀。百里自鬻。甯子飯牛。離此患也。及其遇明君。遭聖主也。運籌合上意。諫諍卽見聽。進退得關其忠。任職得行其術。去卑辱與滌而升本朝。離蔬釋躄而享膏梁。剖符錫壤而光祖考。傳之子孫以資說士。故世必有聖知之君。而後有賢明之臣。故虎嘯而冽風。龍興而致雲。蟋蟀埃秋。蚿蟪出以陰。易曰。飛龍在天。利見大人。詩曰。思皇多士。生此王國。故世

虎嘯四句
再見

平主聖。俊艾將自至。若堯舜禹湯文武之君。獲稷契臯陶伊尹呂望之臣。明明在朝。穆穆列布。聚精會神。相得益章。雖伯牙操。遞鍾逢。門子。鸞鳥號。猶未足以喻其意也。故聖主必待賢臣。而弘功業。俊士亦俟明主。以顯其德。上下俱欲歡然交欣。千載一會。論說無疑。翼乎如鴻毛。遇順風。沛乎如巨魚。縱大壑。其得意若此。則胡禁不止。曷令不行。化溢四表。橫被無窮。遐夷貢獻。萬祥畢臻。是以聖主不徧窺望。而視已明。不殫傾

耳而聽已聰恩從祥風翺德與和氣游太平之
責塞優游之望得遵遊自然之勢恬淡無爲之
場休徵自至壽考無疆雍容垂拱永永萬年何
必偃印誦信若彭祖响噓呼吸如喬松眇然絕
俗離世哉詩云濟濟多士文王以寧蓋信乎其
以寧也

甘泉宮頌

甘泉山天下顯敞之名處也前接大荆後臨北
極左撫仁鄉右望素域其宮室也仍截辟而爲

觀攘抗岸以爲階壅波瀾而鱗坻馳道列以透
迤覽除閣之麗靡覺堂殿之巍巍徑落莫以差
錯編玳瑁之文棍鏤螭龍以造牖采雲氣以爲
楣神星羅於題鄂虹蜺徃徃而繞榱縵倏忽其
無垠意能了之者誰竊想聖主之優游時娛神
而款縱坐鳳皇之堂聽和鸞之弄臨麒麟之域
驗符瑞之貢詠中和之歌讀太平之頌

[Faint bleed-through text from the reverse side of the page]

移文

移金馬碧雞文

華陽國志曰蜻蛉縣山有碧雞金馬光影倏忽民多見之有山神漢宣帝遣王褒祭之欲致金馬

持節使者敬移南崖金精神馬剽剽碧雞處南
之荒深溪回谷非土之鄉歸來歸來漢德無疆
廣乎唐虞澤配三皇黃龍見兮白虎仁歸來歸
來可以為倫歸兮翔兮何事南荒也

漢書列傳卷四十五上宣帝紀
 宣帝元康二年春二月丙子
 朔帝親郊壇上辛巳幸甘泉
 宮祠太畤帝崩三月乙酉
 太子卞即位三月丙午封
 博陸侯卞為太子太師
 六月丙申封博陸侯卞為
 太子太師
 帝崩三月乙酉太子卞即位
 六月丙申封博陸侯卞為
 太子太師
 六月丙申封博陸侯卞為
 太子太師

約

僮約

蜀郡王子淵以事到煎上寡婦楊惠舍有一奴
 名便了、倩行酤酒、便了提大杖上冢巔曰、大夫
 買便了時、只約守冢、不約為他家男子酤酒、子
 淵大怒曰、奴寧欲賣邪、惠曰、奴父許人、人無欲
 者、子卽決賣券之、奴復曰、欲使皆上、不上券、便
 了不能為也、子淵曰、諾、券文曰、神爵三年正月
 十五日、資中男子王子淵從成都安志里女子

王詩詩集 卷全 三
揚惠買夫時戶下髯奴便了。決賣萬五千。奴從
百役使。不得有二言。晨起灑掃。食了洗滌。居當
穿日。縛帚裁盂。鑿井浚渠。縛落鉏園。研陌杜埤
地。刻大枷。屈竹作杷。削治鹿盧。出入不得騎馬
載車。蹠坐大叟。下床振頭。垂釣刈芻。結葦臘纜。
沃不醉。佳醕醖。織履作履。黏雀張鳥。結網捕魚。
繳鴈彈鳧。登山射鹿。入水捕龜。後園縱養。鴈鶩
百餘。驅逐鴟鳥。持梢牧猪。種薑養芋。長育豚駒。
糞除常潔。餒食馬牛。鼓四起坐。夜半益芻。二月

春分。被隄杜疆。落桑皮櫻。種瓜作瓠。別茄披葱。
焚槎發疇。壟集破封。日中早蕘。鷄鳴起春。調治
馬驢。兼落三重。舍中有客。提壺行酤。汲水作餠。
滌杯整案。園中拔蒜。斲蘇切脯。築肉臠芋。膾魚
魚鱉。烹茶盡具。舖已蓋藏。關門塞竇。餒猪縱犬。
勿與隣里爭鬪。奴當飯豆飲水。不得嗜酒。欲飲
美酒。唯得染唇漬口。不得傾盂覆斗。不得辰出
夜入。交關伴偶。舍後有樹。當裁作舩。上至江州。
下到煎主。爲府掾求用錢。推紡惡敗。機索綿亭。

王言詩集 卷之八
買席往來都洛。當爲婦女求脂澤。販於小市。歸
都擔泉。轉出旁蹉。牽牛販鵝。武陽買茶。楊氏池
中。擔荷往來市聚。慎護奸偷。入市不得夷蹲。旁
卧惡言醜詈。多作刀弓。持入益州。貨易牛羊。奴
自交精慧。不得癡愚。持斧入山。斷槩裁轅。若殘
當作俎。机木屐及。彘盤焚薪作炭。礪石薄岸。治
舍蓋屋。書削代讀。日暮以歸。當送乾薪兩三束。
四月當披。五月當獲。十月收豆。多取蒲苧。益作
繩索。雨墮無所爲。當編蔣織箔。植種桃李。梨柿

柘桑。三丈一樹。八赤爲行。果類相從。縱橫相當。
果熟收斂。不得吮嘗。犬吠當起。驚告隣里。棖門
柱戶。上樓擊鼓。倚盾曳矛。還落三周。勤心疾作。
不得遨遊。奴老力索。種筦織蓆。事訖欲休。當春
一石。夜半無事。浣衣當白。若有私斂。主給賓客。
奴不得有奸私事。事事當關白。奴不聽教。當笞一
百。讀券文。徧訖。詞窮咋索。仵仵扣頭。兩手自縛。
目淚下落。鼻涕長一尺。當如王大夫言。不如早
歸黃土陌。蚯蚓鑽額。早知當爾。王大夫酤酒。真

不敢作惡。

太平御覽載僮約尚有榆菱窖芋南安拾栗採橘持車載藝等語然則茲

篇尚屬節文

[Faded bleed-through text from the reverse side of the page]

文

責髯奴文

古文苑作黃香今從藝文作王褒

我觀人鬚長而復黑冉弱而調離離若綠坡之竹鬱鬱若春田之苗因風披拂隨風飄飄爾乃附以豐頤表以蛾眉發以素顏呈以妍姿約之以緹綫潤之以芳脂莘莘翼翼靡靡綏綏振之發曜黝若玄珪之垂於是搖鬚奮髭則論說虞唐鼓鬢動鬣則妍覈臧否內育瓌形外闡宮商相如以之間都顯孫以之堂堂豈若子髯既亂

且赭枯槁禿瘁劬勞辛苦汗垢流離污穢泥土
儻囁穰孺與塵爲伍無素顏可依無豐頤可怙
動則困於惚滅靜則窘於囚虜薄命爲髡正著
子願爲身不能庇其四體爲智不能飾其形骸
癩鬚瘦面常如死灰曾不如犬羊之毛尾狐狸
之毫鬣爲子鬚者不亦難乎


本傳

王褒字子淵蜀人也宣帝時修武帝故事講論
六藝羣書博盡奇異之好徵能爲楚辭九江被
公召見誦讀益召高材劉向張子儵華龍柳褒
等待詔金馬門神爵五鳳之間天下殷富數有
嘉應上頗作歌詩欲興協律之事丞相魏相奏
言知音善鼓雅琴者渤海趙定梁國龔德皆召
見待詔於是益州刺史王褒欲宣風化於衆庶
聞王褒有俊材請與相見使褒作中和樂職宣

王言詩集卷全
布詩。選好事者。令依鹿鳴之聲。習而歌之。時汜鄉侯何武爲僮子。選在歌中。久之。武等學長安歌太學下。轉而上聞。宣帝召見武等。觀之。皆賜帛。謂曰。此盛德之事。吾何足以當之。褒旣爲刺史。作頌。又作其傳。益州刺史因奏褒有軼材。上廼徵褒。旣至。詔褒爲聖主得賢臣頌。是時上頗好神僊。故褒對及之。上令褒與張子儵等竝待詔。數從褒等放獵。所幸宮館。輒爲歌頌。第其高下。以差賜帛。議者多以爲淫靡。不急。上曰。不有

博奕者乎。爲之猶賢乎已。辭賦大者與古詩同。義小者辯麗可喜。譬如女工有綺縠。音樂有鄭衛。今世俗猶皆以此虞說。耳目辭賦比之。尚有仁義風諭。鳥獸草木多聞之。觀賢於倡優博奕。遠矣。頃之擢褒爲諫議大夫。其後太子體不安。苦忽忽善忘。不樂。詔使褒等皆之。太子宮虞侍。太子朝夕誦讀奇文。及所自作。作疾平復。廼歸。太子喜褒所爲。甘泉及洞簫頌。令後宮貴人左右。皆誦讀之。後方士言益州有金馬碧雞之寶。

可祭祀致也。宣帝使褒往祀焉。褒於道病歿。上
聞惜之。



王諫議集終

